



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

Articulus IV. De potentia dubia.

[urn:nbn:de:hbz:466:1-73058](#)

& alij. Nec obstat, quod durante illo periculo non possit licite debitum reddere, quia non requiritur ad matrimonium, quod conjugatus se obliget ad reddendum debitum *quovis tempore*; sed cum legitimum impedimentum abest; alias infirmus impeditus a redditione debiti, impotens foret ad contrahendum. Ceterum probatio (qua sit per copulam cum alia) non est licita, nisi mulier a primo propter architudinem suam legitimè separata, numberet alteri; a quo cognosci potest, cui prior, ut diximus in vigore corporis inferior, vel saltem notabiliter dispar non sit. Nam tunc presumitur etiam a priori viro cognosci potuisse; secus si non nisi aptata per copulam cum alio, a primo cognosci non posset; tunc enim matrimonium cum primo nullum foret; Sanchez. d. 93. n. 13.

ARTICULUS IV.

De impotentia dubia.

[1294] Haec tenus ea diximus, quæ spectant ad questiones, cum impotentia est certa, nunc agendum est de casu, quo est dubia, & quæstio est. 1. an dubius num sit potens, debet abstinere a matrimonij contractu? 2. affirmativa propter periculum alteri potenti irrogandi injuriam; ita Sanchez cit. n. 103. in fine: si tamen non obstante dubio contrahat, posse reddere, ac petere debitum, ut Ecclesie constare possit, an validè, vel invalidè contraxerit? si autem intra triennium non probetur potens, iudicio Ecclesie separandum, ut dicemus infra; at si dubium de illius potentia vel impotentia post triennium vinci non possit, probando, quod vere consummaverit matrimonium, vel consummare non poterit, standum est pro favore matrimonij contracti; quia quilibet presumitur potens, dum non probatur contrarium.

[1295] Quæstio est 2. quid dicendum, si de impotentia constet, sed dubitetur, an ea matrimonij contractum præcesserit, vel subsecuta sit? presumendum est, quod præcesserit, sive ortum habeat a natura, sive aliunde, complures probabiliter docent apud Sanchez d. 103. n. 2. sed probabilius est oppositum, si allegetur primum post aliquot annos a contracto matrimonio; Nam quilibet presumitur potens, dum contrarium non probatur; hinc, afferenti

talem impotentiam fuisse ante contractum matrimonium, incumbit probatio. Aliud est, si statim, vel post exiguum tempus, legetur, & de illa constet; tunc enim in dato dubio, præcessere, merito presumitur: in dubio autem, num ea sit naturalis, vel accidentalis? 2. præsumendum hoc posterius, dum contrarium non constat. Nam in obscuris, quod minimum est, & minime gravat, sequendum est. Si tamen forniciariè cognoscatur ab alio, primo viro debiliori, nec in alio dispati, valeret matrimonium cum primo, quia merito presumneretur potuisse pariter cognosci ab eo.

ARTICULUS V.

An, & quando reclamari possit contra impotentiam alterius?

Ante resolutionem supponendum, plurimis de causis multum interest conjugum, ne alligati sint vinculo perpetuo impotentis vel absolutè, vel respectivè; & ob id in certis casibus illis licere contra impotentiam alterius reclamare, ut matrimonium inter eos initum ab Ecclesia solvatur, non solutione vinculi, sed declaratione nullitatis, seu matrimonij inter eos invalidè contracti propter impedimentum, quod alterius impotentia præstat. Quæstio nunc est, an, & quando, conjugi non impedito, vel etiam impedito, contra alterius impotentiam vel matrimonium, reclamare licet, hoc est, apud Judicem Ecclesiasticum petere, ut matrimonium inter eos separatur, seu, ut dixi, nulliter contractum declaretur, datâ non impedito facultate ad alium, si velit, matrimonium contrahendum.

Supponendum 2. cum de impotentia, quæ allegatur, non constat, alleganti incumbere probationem vel per verum iudicium, vel septimam manum propinquorum, vel triennium continuum, quo demonstraret, se tanto tempore conatos fideliter, nunquam tamen potuisse matrimonium consummare: ut magis patet ex frequentibus. Potes autem impotentia unius ex conjugibus allegari, vel paulò post contractum matrimonium, v. g. statim, post duos, tres menses, vel tardius, nimirum post unum, vel plures annos, quibus idem cohabitaverunt, ut colligitur ex diversis capitulis hujus tituli, his præmissis: